

Châng thlan: *Daniela 12:13.*

Zirlâte tân:

Hriat tûr: Pathianin mihringte a hmangaihna leh thihna leh sual lak aṅa chhandam a tum dân chu an hmuchhuak thar leh ang.

Vei tûr: Pathian hmangaihna chu, an phû miah loh ni tho mah se, a hlutzia an hrethiam ang.

Tih tûr: Pathiana rinna ngathin amah an hmangaih ang a; tin, an vêngte pawh an hmangaih ve bawk ang.

THUPI THEN

I. Hriat tûr: Pathian chhandamna chuan keimah chauh ni lovin, mi dangte pawh a huam ve

- A Eng vângin nge Pathianin a hmangaih che?
- B Pathian hmangaihna hi hriatthiam theih a ni em? Pathian hmangaihna chu eng nge ni?
- C Pathianin a hmangaih che a ni tih a lan tawhna sawi tûr i hria em?

II. Vei tûr: Pathian chuan min hmangaih tak tak a ni

- A Pathianin min hmangaih ngei a ni tih eng tin nge ka hriat theih ang?
- B Pathianin a hmangaihna chu a tak a ni tih tilang tûrin eng thil nge a tih?
- C Pathian hmangaihna hriat hi Pathianin a hmangaih che a ni tih hriattîr nân che a tâwk em?

III. Tih tûr: Pathian hmangaihna chu inkâichhâwn theih a ni

- A Eng vângin nge i vêngte i hmangaihna kha Pathianin a chhandam tawh che a ni tih tilangtu a nih?
- B Eng vângin nge i vêngte chhandam an neih theih nân mawhphurhna i lo neih ve?
- C Eng vângin nge Pathiana rinna i neihna khân i hmêlma hmangaih tûrin a puih che?

KHÂIKHÂWMNA: Pathian hmangaihna chu a tak tak a ni tih mihringte chhandam an nih theihna tûra ruahmanna a siamah hian a lang a. Anmahni hi chuan chhandam nih phû miah lo mah se a chhandam tho a ni.

INZIRTÎR DÂN TÛR

RAHBI 1—Chawk phûr rawh

Bible châng thlûr bing tûr: 1 Johana 4:10.

THLARAU THANNA ATÂNA THU PAWIMAWH: *Pathianin mihringte a chhandam chhan chu a hmangaih êm avâng chauh a ni. Pathian hmangaina chu rilru no leh so leh tawngkam duhawmten an siam a ni lo va. Bible-in a puan chhuah Pathian hmangaihna hi a danglam bîk êm êmna leh mi tin huap zo a nih bawkna chhan chu amah Pathian hi rilru no leh sosâng hmang emaw, rau rî riâu tak emaw, a nih loh leh, mâwi tak leh finna thûk tak neihna hmang emawa a inpuan loh vâng a ni. Chutiang chuan ti lovin, chanchin kal tawh leh kal mêk hmang hian amah chu inpuang chhuak thîn zâwk a. Pathian chhandamna chanchin tha hi mi tin tân a nih avâng leh chhandamna chu a tak ngei a nih bawk avângin chhandamna vâwrtâwp chu mihringte chanchin tâwpah chauh a thleng thei a ni.*

ZÎRTÎRTÛTE TÂN BÎK: Tûn kêr zirlâiin a tum ber chu Pathian hmangaihna leh a chhandamna ruahman hi i zirlâte a taka chantîr ve a ni a. Chhandamna chuan he khawvêl keh chhe tawh hnû-ah hian a famkimna chu a tawng thei lo. Chuvângin chhandamna chu tâwpna hunah chauh a thleng thei a ni. Chhandamna chu kan chang ngei dâwn a ni tih Chiang tho mah ila, chhandamna zawng zawng erawh Pathiana inngat a ni thung; chuvâng chuan nîte a tâwp huna Krista lo kal lehna chauh chhandamna chu a takin arawn thlen thei ang. Thilmakte leh malsâwmnate chu a takin chang thîn tho mah ila, hêng thilpêkte hi chu mei si lêng chauh a ni a, a meia tak tak erawh chu a ni lo va ni.

Sawi hawn nân: He khawvêla kan chên lâia Pathian hmangaihna a taka kan chan hian eng tiangin nge tâwpna huna Pathian chhandamna famkim chu hrethiam tûr leh, ngaihruat thiam tûrin min ÷anpui? He leia kan nun hi nakina lo la thleng tûr Pathian lalram nawm tûrzia tilangtu a nihna a awm em?

Sawi ho tûr:

- ① Eng vângin nge tâwpna hunah hian Pathian lalrama beiseina neih chu a pawimawh viau?
- ② Eng vângin nge tâwpna huna Krista zâra chhandamna chan hi chhandamna awm chhun a nih?

RAHBI 2—Zawng chhuak rawh

ZÎRTÎRTÛTE TÂN BÎK: Kan tûnlâi nun, sâkhaw ngaihsak lêm lova mi tin mai kan awm tawhna angah hi chuan, Pathian lalram chanchin sawi pawh a harsa hlê mai. He ÷awngkam hrim hrim hi a tak taka thleng thei tûr pawh ni lo, duhthusâm ram sawina mai nia ngaih a ni deuh ti tih tawh a. Mi tin mai hian he khawvêl leh dam chhông khawsak thil ringawt mai hi lungkham bera neiin, sum leh pâi bâkah, tûna an hmuh nghâl mai theih leh chen nghâl theih thil chauh hi an ngaihven bawk. An hmuh theih loh lalram, vâna awm leh nakîn huna lo la thleng chauh tûr chu an ngaihven peih lo hrim hrim a. Hêng mîte hi chawh harh a, chhandam ngâi a nihzia hrilh hriat hi kan tân chona lian tak a ni. Tûn kêr zirllâi hian chutiang hnâ kan thawh theihna tûr chuan rahbi pathum a rawn chhawp chhuak a. A hmasa ber leh pawimawh ber ni bawk chu, hêng mîte hian Pathianin anmahni a hmangaih a ni tih an hriat chhuah ve phawt a ngâi. Chumi hnû-ah chauh chuan a lalrama awm ve a, amah nêna chên ho châkna pawh an nei ang a; chutichuan, amah ring thei tûrin an inpeih tawh dâwn bawk a ni.

ZIR ZÂUNA

I. Pathian chu hmangaihna a ni (*1 Johana 4:8–10; Exodus 34:5–7*)

Pathian chhandamna chu a hmangaihnaah a inṭan a. Pathian ring lotu leh amah nêna inhmangaih tawanna nei lotu hnêna Pathian lalram chanchin leh, Pathian hmangaihna thu sawi hian awmzia a nei lo. Chuvâng chuan Pathian hmangaihna hriat leh a hmangaihna a taka chan hi thil tûl tak a ni rêng a. Pathian hriatna nei tûr chuan a Thu hriat a ngâi bawk.

Bible bu pum pui hian Pathian chu hmangaihna a nihzia a sawi a. Thuthlung Hluia Pathianin thil a tih kan hmuh hmasak ber chu khawvêl leh a chhûnga thil awmte a siam hi a ni. Pathian hmangaihna chu keimahni'n kan tih theih ve reng chhânna a ni lo va. Pathian chuan kan pian chhuah hmâ hauh pawhin min lo hmangaih sa reng tawh zâwk a ni. Hetianga Pathian hmangaihnain keimahni hmangaihna a hma khalh zâwkna, a hmangaihna kan chhân lêt vena hi ama'n min chhandam dân kawng tilang Chiangtu a ni.

Pathian hian thil eng emaw kan tih avângin min chhandam a ni lo va, amah chu *hmangaihna* a nih tlat avânga min hmangaih a ni zâwk. Hei hi Danielan Pathian hnêna dîlna a thlen pawh khân a sawi tel: “Nangmah avângin rei rial suh ang che” (*Dan. 9:19, NKJV*) tiin a sawi a nih kha. Pathianin min chhandam chhan hi amah kan hmangaih vâng emaw, a thu kan zawm vâng emaw a ni lo. Chhandamna chu keimahni thil ṭha tiltea inngat ni lovin, “amah avâng” zâwk a ni a. Hei vâng hian a nia Pathianin a hmangaihna a puan chhuahna hian dân thilthlâwnpêk chu a hmakhalh rêng ni: “LALPA chu, LALPA Pathian lainatna ngah leh mi khawngaih thei tak, thinnel, ṭhatna leh thutaka khat a ni” (*Exod. 34:6, NKJV*). Dânah ngei pawh hian thupêkte chu Pathianin chhandamna hna a thawhin a hmakhalh tho bawk: “Kei, LALPA in Pathian hi bâwih in nihna hmun Aigupta ram ata hruai chhuaktu che u ka nih hi” tiin (*Exod. 20:2, NKJV*).

Thuthlung Tharah pawh hetiang hmangaihna tho hi kan hmu leh a: “Nimahsela, Pathian chuan mi a hmangaihzia chu fak tlâka lantîrin mi sual kan la nih reng lâi khân Krsita chu kan tân a lo thi tawh a ni” (*Rom. 5:8*, NKJV). Hmangaih hleih theih pawh kan nih loh lâi khân Krista chuan min hmangaih tho va, kan tân a nun a lo hlân tawh a ni. Hmangaihna hi “Thlamuantu” (*Johana 14:16*) tia koh Thlarau Thianghlim zia pawh a ni ve tho bawk a—ani chuan kan lungngaih lâi leh hrehawm kan tawrh chângte hian min thlamuan a, min hnêm thîn. Grik thumal, *parakletos*, “Thlamuantu,” tih chu Grik ãawnga Thuthlung Hlui an lehlin, Septuagint-ah chuan Hebrai ãawnga “thlamuan” tih an sawina thumal, *nakhm* tih lehlin nân hman a ni (*Jer. 16:7*, *Hos. 13:14*, *Isa. 57:18*).

Ngaihtuah teh: Pathianin keimahni hi min rawn hmangaih hmasa a ni tih thû aţang hian chhandamna lo awm theih dân chungchâng eng nge zir chhuah theih kan neih? Eng vângin nge Pathian hian mihringte hnênah Sabbath a pêk, thil siam chawlhkâr chhûng khân amah nêh hna an thawk hoa zeng pawh a ni sî lo va? Eng tiang kawngte-in nge Sabbath hi khawngaihna avângin Pathianin min chhandam a ni tih chhinchhiahna a nih?

III. A tichiangtu chu Isua a ni (*Hebrai 7:22 leh Rome 10:13*)

Chhandamna kan chang ngei dâwn a nih tih chiang taka kan hriat theihna chhan chu chhandamna hi Pathiana inngat a nih vâng a ni. Nakina chhandam kan la nihna tûr chu tûn dam chhûng lâi lâi chhandamna kan chan mêk nêh hian a inzawm a ni pawh kan ti thei ang. Hetianga Pathian lalram pahnihte a taka chan kawpna hi Farisaite leh zirtîrte hnêna Isua thu sawiah khân kan hmu a. Farisaite hnênah kha chuan chhandamna chu tûna thleng mêk leh mi mal chan a nihna anga sawiin, “Pathian lalram chu nangmahni-ah a awm a ni” (*Luka 17:21*, NKJV) a ti a.

Nimahsela, a zirtîrte hnênah erawh chuan chhandamna chu nakîna mi tûr leh, mi tin huap thil thleng angin a sawi ve thung:

“kâwlkil lehlama kâwl a pê a, kâwlkil lehlam thleng a ên t̄hîn ang hian Mihring Fapa hi ama nî-ah chuan a awm ve ang” (*Luka 17:24*, NKJV). Hetianga thil inkâwlkalh nia lang a sawina chhan chu an thilunga Isua nei tawh sa zirt̄irte hi chuan a lo kal leh hun t̄ur chu an lo thl̄ir lâwk a. Kawng lehlamah Farisai, anmahni nuna lalram la chang vê lote erawh hi chuan, Pathian lalram lo thleng t̄ur chu an mamawh lo emaw an inti ngawt ve thung a ni. Dik tak pheih chuan, t̄una kan hman mêk kan nuna Isua kan hnaih zawh poh leh, a lo kal leh ngei kan rinna chu a nasa zualin, kan nghâkhlel lehzual bawk ang.

Ngaihtuah teh: Eng vângin nge Isua Krista hmangaihtu Kristian t̄ha tak tân a lo kal lehna chu nghahhlelh loh theih loh a nih? Eng tiangin nge Pathian lalram lo thleng t̄ur beiseina chuan t̄una kan nun hman mêkah hian nghawng a neih ang?

III. Pathian, chatuan ata chatuan thlengin (*Sam 90:2 leh Thupuan 14:6, 7*)

Johana hian vântirhkoh pakhat, “chantuana chanchin t̄ha” chu hrila vanlaizâwla thlâwk a hm̄u a (*Thup. 14:6*). He vântirhkohin a hril chanchin t̄ha hi “chatuana” nung reng t̄ur a nihna chhan chu “thih theih lohna nei awm chhun. . . kan LALPA Isua Krista” (*1 Tim. 6:14–16*) hnên aṭanga lo chhuak a nih vâng a ni. “Chatuana chanchin t̄ha” thu kan sawi hian Pathian chungchâng kan sawi tihna a ni a, chu chu thlarau lama kan tawn sân theih ber chanchin t̄ha nemnghahna kawng pawh a ni bawk. Tirhkoh Paula pawhin intihsiakna beih tak tak tlâk awm chhun “lallukhum chhe thei lo” (*1 Kor. 9:25, 26*) chu hmu t̄ura amah zuitute a fuih khân he thu tho hi a sawi a. He chatuana chanchin t̄hâ, Thupuan Bûa Johana an sawi hian mihringte hun tawn t̄ur lo sial lâwk Pathian thiltih pahnihte min hrilh a, chûngte chu—a t̄ira a thiltih thil siam leh a tâwpa a tih leh t̄ur rorêlna te a ni (*Thup. 14:7*). Mihringte chanchin, leilâwt lam pana kal ve mawp mawp ringawt mai nia lang hian tum leh awmzia a lo nei

ta a; chu a thiltum chu chantuan Pathian hnên aṅanga lo chhuak niin, ama lam panin a kal bawk a ni.

Ngaihtuah teh: Eng vângin nge chatuana nunna chan beiseina hi mihring nun awmze nei lo tak chhân lêtna awm chhun a nih? I class member-te nên khân thihna an lo dâi hriat ve tawh dân sawi ho rawh u. Thihna a hmachhawn châng a an rilrua thil lo awmte chu eng nge ni? Eng vângin nge thihna hi thil tâwp hlenna a nih loh?

RAHBI 3—A taka nunpui tûr

ZÎRTÎRTÛTE TÂN BÎK: Seventh-day Adventist-ten kan nihna chungchâng thlêmna kan tawh hi ṭhuang hnihin a lo kal a. Kan kohhran hminga “Seventh-day” tih lai hi kan uar leh lutuk deuh palh thei a, chu chuan kan tûn khawvêl nun hman mêkah hian rilru pêk leh lutukna a thlen thei. “Adventist” tih lâi hi kan uar leh lutuk a nih chuan khawvêl lak ata hrang daih nia inngâiin, phûr leh lutukna kawngah mi a hruai ve thei tho bawk. Hêng kan nihna pahnihte hi inbûk tâwk taka kalpui thiam a ṭûlzia i sawi dân nia.

Ngaihtuah zui tûr/a taka nunpui tûr zawhnate:

- ❶ Pathianin a lalram lo thlen tûr thu a sawi leh politician-te thutiam hi eng nge a danglamna?
- ❷ I class member-ten Pathian lalram chu lo thleng ngei tûr a nihzia leh, a pawimawhna an man lohna chu hrihfhahsak la. Engtin nge Pathian lalram chu lo thleng ngei tûr a nih rualin, he khawvêl thilte hi lo hlamchhiah ngawt tûr kan nih chuan loh le? Kan beiseinain kan nî tin nuna nghawng a neih chu eng nge ni?
- ❸ Pathian lalram pahnihte, “lo thleng tawh” (tûna kan chan mêk chhandamna chanchin ṭha hi) leh “lo la thleng lo deuh” (Krista lo kal lehna chanchin ṭha)-te hi a inzawm dân sawi ho rawh u.

RAHBI 4—Boruak siam rawh

ZÎRTÎRTÛTE TÂN BÎK: In class-in Pathian hmangaihna chu a tak ngeia chan theih a nihzia in kohhran member-te zîngah leh in khawtlânga in lantîr theihna tûr kawng awm chu engte nge ni? Pathian hmangaihna puan darh nân hêng thilte zînga a eng emaw ber chu han ti lang teh u:

Tih tûrte:

- ❶ Mi, kum lama upa tawh tak a nih loh pawhin hmeithâi, a fâte châwm tûra theihtâwp chhuah ngâi tu emaw tlawh la. Chu pa/nu chuan amahin ei rawng a bâwl a tûl em, chawhmeh leia bazara a kal a tûl em, a in bul huan tih fâi a ngâi em? Pathianin a hmangaih a ni tih entîrna atân kêr khatah vawi hnih khat tal i pui tîn dâwn nia.
- ❷ Mi tu emaw hun harsa tak pal tlang ngei ngâi a awm em? A hnênah fuihna thuchah ziaak rawh. Chutah chuan Bible-a i châng duh lâite ziaak lang la, chumi chângin beiseina thar a lo pêk tawh dân che pawh sawi lang ang che.
- ❸ Mi tu emaw, state dang/ram danga awm hnênah amah i ngaihsakzia lantîrna tûr thil eng emaw thawn rawh.
- ❹ Sabbath serh ve lo tu emaw kha Sabbath tlâia in ina châw ei tûrin sâwm rawh. I tîiante leh i chhûngte nêna in inpâwl hona hmangin Sabbath Pathian chu tu nge a nih i hrilh fiah dâwn nia.